

24 SEPTEMBRIE

RUGACIUNEA 2

SF. CUVIOS

NICANDRU DE LA PSKOV

Молитва

О преподобне и преблаженне отче наш Никандре, гражданине горняго Иерусалима, друже и споднижнице избранных воев небесных, прославляяй выну Триипостаснаго Бога! Возри на нас милостивно, предстоящих ныне раце честных мощей твоих, и всеми нашими чувствами пригвожденных ко сластем века сего обрати ко взысканию блаженств горних. Ты вселяешия во обителех небесных с премирными духи Церкви торжествующия: мы воинствуем еще, во многотруднем веце сем, с невидимыми враги: отстоим от тебе не толико местом, елико грехми и беззаконьми, имиже прогневаем по всяк час Господа и самех себе приводим на пагубу, но к тебе, яко нам соестественному, прибегаем и взываем с теплыми слезами: настави и вразуми нас ходити по стопам твоим, буди на пути сем

избранным вождем нашим, якоже древле Моисей
людем Израильским, неотступно бо от тебе, отче
наш, сострадание к скорбящим и человеколюбие
требующим от тебе помощи в напастех и во
благовремении, живущу бо тебе на земли, не о
своем токмо спасении тщание приложися, но и о
всех к тебе притекающих моление приносил еси
ко Всевышнему, да не презрит дело рук Своих,
ниже погубит со беззаконьми, отеческая
наказания твоя, еже ходити по стопам заповедей
Господних, прозябоша в сердцах сынов твоих,
яко семя доброе, с плодоношением; недужнии,
разслаб-леннии, болящии, скорбящии,
озлобленнии проповедуют со славо-словием
скорую твою помощь, исцеление и заступление;
вся же твоя святая жизнь бысть зеркалом всяких
добродетелей. Аще толик был еси, учениче
Христов, на земли: колик ныне еси на небеси! Ты
выну предстоиши престолу неприступнаго Бога,
и в нем, яко в зеркале, зриши вся наша нужды и
прошения; ты свеселишися со Ангелы Божиими о
единем грешнице, кающемся радостью велиею: и
милосердие Божие, и любви Его к роду
человеческому неоскудны, и твое дерзновение к
Нему много. Испроси у всемилостиваго Подателя

всех благ мир и святыню Церкви Его, под знаменем креста воинствующей, победу и одоление на невидимых врагов ея и единомыслие в вере; заблуждшия же от православия к познанию истины призови, неверныя просвети светом Евангелия: грешныя к покаянию приведи и обрати, девствующим чистоту и целомудрие даруй, брачным святыню, вдовицам и сирым буди препитание, нищим покров, странствующим возвращение, плавающим пристанище, кающимся прощение испроси, плачущим утешение, требующим помощь, нападваемым заступление, больным скорое исцеление и всякому прошению во благих исполнение. Не отрини нас с верою и любовью тебе призывающих! Аще бо и недостойни есмы толикаго отца и ходатая, осквернени душею и телесы суще; но ты, быв подражатель челолюбия Божия, содей нам твоими молитвами достойны чрез обращение с пути злаго на пути мирны добродетелей. Новград и Псков, и вся Россия просвещенная твоим богоугодным житием и чудесы, проповедуют тя быти теплаго заступника. Яви и нам недостойным милости твоя! Веруем, яко духом нам соприсутствуеши,

паче же и телом с нами пребываеши: се, предлежат очам нашим нетленные и цельбоносныя твоя мощи, ихже новопрослави Господь явлением многих чудес. Тем, предстояще им, яко живу тебе сущу, припадаем и смиренно молим: приими моления наша и вознеси я на жертвенник благоутробия Божия, яко да ниспослет нам всеильную благодать Свою, укрепляющую нас во благом житии, и благовременну и некосненну в нуждах наших помощь: ума благопостояние, телесем здравие, житию благопотребная, мир во днех наших, воздуха благорастворение, огонь любви и всякаго благочестия, в молитве чистоту сердечную, в злочлочении терпение и упование, в надежди веселие и время на покаяние, яко да, и настоящих зол избегше, удостоимся преселиться во блаженныя обители небесныя, идеже ты ныне вселяешия со всеми Богу угодившими и прославляеши Триипостаснаго Бога, Отца и Сына и Святаго Духа, ныне и присно и во веки веков. Аминь.